

## 14 YANVAR – VATAN HIMOYACHILARI KUNI



Yurtimizda Vatan himoyasi kabi ulug'vor ishga o'zini bag'ishlagan harbiyalarimiz katta hurmat va e'zoz bilan qadrlanib, har yili "14 yanvar – Vatan himoyachilari kuni" keng nishonlanadi.

Bu kabi e'tibor va e'tirof mas'uliyatli kasb egalarining Vatan oldidagi xizmatlarini yuqori baholanishini namoyon etib, ularning kelgusidagi faoliyatiga ham kuch-quvvat, shijoat va albatta sadoqat bag'ishlaydi.

Albatta, Vatanni himoya qilish barcha uchun muqaddas burch hisoblanadi. Bu burchni ado etishda yurtimizning himoyachilari bo'lgan milliy armiyamiz va barcha huquqni muhofaza qiluvchi organlari tomonidan halqimizning tinch va osoyishta hayotini ta'minlashda olib borayotgan xizmatini munosib baholash hamda ularga zarur shart-sharoit yaratish masalalari ham davlatimiz siyosatining muhim yo'nalishlaridan hisoblanadi.

Prezidentimiz Shavkat Mirziyoyevning "**Armiya va xalq - bir tanu bir jon!**" degan olijanob g'oya va amaliy harakat barcha bo'g'indagi hokimiyat va boshqaruv idoralari, mahalla, yoshlar, xotin-qizlar, nuroniyalar tashkilotlari, ta'lim-tarbiya muassasalari faoliyatini, keng jamoatchilik hayotini qamrab olmoqda. Bu esa Vatan himoyasi chindan ham barchamizning nafaqat vazifamiz, balki sharaflı burchimizga aylanib borayotganidan yaqqol dalolat beradi" deb aytgan gaplarida ham Qurolli Kuchlarimizning xalq bilan har qachongidan ham yaqinligini anglashimiz mumkin.

Muqaddas islom dinida "**Ikki ko'z egasini do'zax otashi kuydirmas: biri - Allohnинг azobidan qo'rqib yig'igan ko'z, ikkinchisi - Allah yo'lida poyloqchilik qilib bedor bo'lgan ko'z**" (Imom Termizi rivoyati) deb rivoyat qilingan Payg'ambarimiz sallallohu alayhi vasallam hadislardan ham shuni anglash mumkinki, Vatan himoyasi yo'lida olib borilayotgan har qanday xizmat savobli amallar qatoriga kiradi.

Muxtasar qilib aytganda, tinchlik bor joyga bayramlar yarashadi, shuning uchun jannatmakon diyorimizda ushbu tinchlikni ta'minlab kelayotgan harbiy xizmatchilarni yana bir bor ushbu bayram bilan muborakbd etib, ularga sihat-salomatlik, oilaviy baxt va albatta mas'uliyatli xizmatlarida kuch-quvvat tilab qolamiz.

**A.AXMADALIYEV,**

**Qo'shtepa tumani bosh imom xatibi.**

**Bizni ijtimoiy tarmoqlarda kuzating**

Facebook,

2022-01-13 13:51:59